

Carolo II.
Angliae et Rox

61

Pastorū Litchin: Panegyrica gratulatio.
Carolo II. Angliae, Scotiae, etc. Regi
a. 1649.

PANEG. et VITAE

Polon. 4.

Nº. 83

capo

SI

C

A

A

SI

J

1863

PANEGYRICA GRATVLATIO
SERENISSIMO ET POTENTISSIMO
PRINCIPI AC DOMINO
DOMINO

C A R O L O II.

ANGLIÆ, SCOTIÆ, FRANCIÆ, ET HY-
BERNIÆ REGI.

PIO. JUSTO. FORTI. CLEMENTI. BENEFICO.

Æterno calamitosæ, sed victricis tan-
dem Virtutis exemplo.

ANNO REGIS REGUM
M lxxc lxi.

XXIII. April.

III. Maij.

LONDINI.

FESTIVITATE SOLENNISSIMA
INAVGVRANDO
SCRIPTA

4

JOACHIMO PASTORIO MED. D.

SECRETARIO ET HISTOR. S. REG.

Mtis. POL. ET SVEC. &c.

GEDANI

Typis DAVIDIS RHETII impressa.

M lxxc lxi. APRIL. XXVI. nov. styl.



PALESTINICA GRATULATIO
SERENISSIMO ET POTENTISSIMO
PRINCIPIS AC DOMINO
DOMINO

CAROLI

ANGLIÆ, SCOTIÆ, FRANCIÆ, ET HY-

BERNIÆ REGI

PIO, IUSTO, FORTI, CLEMENTI, BENEFICO.

Aeterno celsissimo, sed victorissimo

domini Vultus exemplo.

Antiquis Regum

M. J. C. L. X. I.

ANNO

MDCLXII

LODUNO

FESTIVITATE SOLEMNISSIMA

INAGGERANDO

SCRIPTA

IOACHIMO PASTORIO M. D.

SECRETARIO ET HISTORICO REGI

ANNO ET SVB

ANNO ET SVB

ANNO

Typis Davidis & Rubei

ANNO

Ad Sacram Regiam Magnæ Britan-
niæ Majestatem

*Omen anagrammaticum
ex augusto ejusdem nomine.*

QUÆ **CONSTANTINUM** quondam dedit **AN-**
GLIA Magnum,
ANGLIA Te pariter, **CAROLE MAGNE**, dedit.
Edere sed Tantum partu quæ nesciit uno,
Patria Te gemino Terra labore tulit,
Primus in **AUGUSTIS** posuit Te, **CAROLE**, cunis,
Alter ad amissum Te diadéma vocat.
Quod natale Tibi rapuit Fortuna novercans,
Redderet ut **VIRTUS**, Numine fulta, Tibi.
Sic meritò geminatur honor: Teq; acrius inde
Bis natum populus jure Britannus **AMAT**.
Carior ancipiti fatorum surgis ab ictu,
Pulchrior excusâ lux Tua nube micat.
Est tanti, variorum ignem subiisse malorum,
Cum major meriti splendet ab igne decor.
Est tanti, tolerasse vices, & crimina fortis,
Crimina cum dignis expiat illa modis.
Ast **COELO** totum Te debes: quicquid & in Te
Fulget, Tu tribuis, **CAROLE**, jure **DEO**.
Vnde adeò **COELI** meritò quoq; flagrat amore
Pectus, & hinc **ARDOR** Te Pietatis agit,

Ferre vicem quærens Superis. Pietatis Amori
Cætera Virtutum nexa corona nitet.
Quæ certant habitare Tuam, REX INCLYTE, mentem,
Hoc sibi Delubrum constituere Deæ.
Gloria Virtutum comes indivulsa sequetur,
Teq; feret meritis Fama sonora tubis.
Regnorum florebit honos, reverentia crescet,
Blandaq; palmiferas cinger Oliva comas.
AUGUSTUMq; Tuæ dicet Vox publica gentis,
Et PATRIÆ verum Te canet illa PATREM.
Omina Parnassi loquimur. Quæ sanciat æther,
Teq; AUGUSTEA Prosperitate bect,
Nec quicquam Fortuna sibi permiserit ultra,
Sed doleat, tantum jam licuisse sibi.

Anagramma tale est.

CAROLUS SECUNDUS
STOUARTEUS REX MAGNÆ
BRITANNIÆ,

Constantinus, Rex Augustus Vir Cœlo ardens
amabere.

PANEGYRICA GRATULATIO
AD
SERENISSIMUM
MAGNÆ BRITANNIÆ
REGEM.

Serenissime & Potentissime REX,
DOMINE DOMINE
Clementissime.



Ediviva Magnæ Britanniae felicitas,
non iis, quibus Imperium Tuum, etsi
longè patentissimis continetur limi-
tibus. Omnis melior Orbis ad se tan-
tum seculi bonum pertinere existi-
mat: atq; id, uti spatiis locorum la-
tissimè diffusum est, ita nullis temporum metis cir-
cumscribi, sed & AUGUSTÆ DOMUS RE-
GNIq; TUI MAIESTATI, & universæ rei
CHRISTIANÆ perenne ac sempiternum es-
se precatur. Quò minus mirum, si idem hic favor
coeli, qui Britanniae, omniq; penè Europæ, Te auspi-

ce, illuxit, nos quoque, etsi remotiores Septentrio-
nis incolas, afficit arrigitq;: Si & me jam instigat, ut
in publico hoc amicarum Vobis Nationum gaudio,
MAIESTATI TUÆ aliquod piæ sinceræq;
gratulationis figam anathema. Cum inprimis ejus
sim **REGIS**, etsi infimus, minister, quem super
antiqua vincula ingens voluntatum consensio, tum
& fortunæ paritas nonnulla, quædamq, quasi *συμβασις*
Tecum jam dudum arctissimè conjunxit. Ut adeò,
quicquid Majestati Tuæ adorno, id ipsi **SER E-**
NISSIMO REGI MEO quodammodo
adornare videar, & **MAIESTAS SVA** pro
affectu, quo Te prosequitur, Suo honori scri-
bi existimet, quicquid scribitur Tuo. Gratula-
tionis autem officium, quantum licebit per in-
genii & temporis angustias, (paulò enim seriùs hunc
impetum cepisse me fateor) obiturus, non sine causâ
ambigere mihi videor, unde dicendi capiam initium.
Anteaçti enim temporis casus ac misérias refricare in-
tempestivum dicent ii, qui inter auspiciatissimæ festi-
vitatis solennia ab omni tristium memoriâ abstinèn-
dum esse censent. At mihi præsentium rerum læ-
ticiæ plurimùm videtur decessurum, nisi illam præte-

ritæ calamitatis acuerit memoria. Melius oculos mo-
vet fulgor luminis, cum ex umbrâ & tenebris eluxit,
Fortiùs animos ferit gaudiū, cum tristium recordatio
proximè præcescit. Atq; etsi quidem nō sine summo
animi horrore meminisse possumus infandi illius diei,
quo **DIVUM PARENTEM TUUM**, Prin-
cipem, dum viveret, pientissimum impia sacrilego-
rum hominum turba, immani atq; inauditi exempli
parricidio sustulit: non sine virtutis tamen injuriâ re-
ticeri potest invicta illa animi constantia, illa, præ-
ter alias fastigio Principis dignissimas virtutes, Pietas,
quæ ut orbi Christiano æternum decus, & perenne
laudis exemplum dedit, ita gloriosum coelo Marty-
rem transcripsit. Hâc dum Principem illum Coro-
nâ vindex & pensator innocentia Deus excepit, cæ-
tera, quæ in terris ille gesserat, diademata Tibi san-
gvine suo signata reliquit; amantissimus & de Tuâ in-
primis & vitâ & fortunâ anxius tum, cum sui securum
ipsa instans moriendi necessitas fecisset. Eò quip-
pe insano hominum execrandorum scelere deven-
tum tunc erat, ut in Regno tot Majorum suorum,
tot & Suis beneficiis locupletato, indubium quidem

succedendi jus, at non æquè indubiam succedendi facultatem tradere Tibi moriens posset. Exigua enim spes supererat, Alastoras illos, qui nullâ Divini, nullâ humani juris reverentiâ ducerentur, clementiûs **SOBOLEM REGIAM** habituros, quàm se **REGEM** habuissent: potiùs verò omni conatu, si non vitam & Spiritum, saltem omnem nocendi potentiam ablaturus illis, quibus ulciscendi sceleris voluntatem jura naturæ dare viderentur. Ne itaq; Solium, quod perjura rebellio Rege vacuum fecerat, à **TE LEGITIMO SUCCESSORE** occuparetur, ipsa id Tyrannis infedit, monstrum eò detestabilius, quòd deformitatem suam miris coloribus fucabat; exosiq; nominis sui invidiam in Eum ipsum, quem nefariè jugulârat, detorquens, atq; ita, ultra fata etiam ipsa extinctum persequens, in famam & existimationem Regiam immanissimè grassabatur. Nulla ingenij dos in **OPTIMO REGE** emicuerat, quin deterrimam apud istos incurreret interpretationem. Nulla virtus, quin verteretur in vitium. Nullum is pro publico egregio facinus ediderat, quod non damnaretur, ut turpe flagitium, & ut publicæ li-

bertatis venenum. Nulli ab illo pro pietate suscepti erant labores, quin pro improbis idolomania & superstitionis initia mentis traducerentur. Atq; uti viventem nullæ Apologiæ & obtestationes malignitati purgaverant: ita & extinctum nullæ, quas ex moribundo & ad DEUM judicem ituro audiverant, provocationes, nulla securæ & inter extrema ipsa lætantis conscientia testimonia juverê. Immo ut deinceps quoq; nulla innocentia, nulla virtutum, quæ in vivente luxissent, vestigia superessent, ne ingenij quidem monumenta ei, quantum in ipsis erat, relinquebantur. Quippe editas post fata **MEDITATIONES**, quia pias esse negare illi, quantumvis impii, non poterant, invidebant Autori suo, & pulcherrimum magnoq; Rege dignissimum opus cujusvis potius alterius, quàm **CAROLI STUARTI** esse clamabant. Offendebantur nimirum **IMAGINE**, quæ quo vividius virtutem interempti exprimebat, eò fortius parricidium exprobrabat Autoribus. Cæterùm suis illi sceleribus speciosum & omnibus nimirum seditiosis familiaris libertatis signum præferebant: idq; eo artificio, ut cum

Tyrannis ereptū Regi, ereptum Senatui sceptrum si-
bi vendicasset, militi interim ac plebi Anglicæ svavē
publicè concionandi, & quidvis in religione deliran-
di potestatē daret. Et erat tum Insulæ pleræq; nescio
quibus stygiis carminibus ita excantata bona mens, ut
in hâc vaticinandi insaniendiq; licentiâ maximam par-
tem felicitatis suæ collocaret. Clavum autem re-
rum plausibili, sed falso REIPUBLICÆ nomi-
ne incrustare placuit. Quomodo enim Deum im-
mortalem! Respubl. esset, in quâ consiliorum omni-
um summa, tūm agendi cuncta, quæ placerent, in-
finita potestas penes unum erat, populo autem, ut
dixi, circa inania tantūm rerum furere liberrimè, in
seriis verò, ipsisq; publici regiminis momentis, nihil
nisi quàm plenissimè servire licebat? Sed eò demen-
tia illius excreverat, ut nihil recusaret, dum fas mo-
dò esset, insultare Majestati, conculcare Regium
nomen, bona Principum, Præsulūq; hastæ subjice-
re & omnem STUARTEUM sanguinem terris
omnibus, quantum in ipso erat, proscribere. Neq;
defuit aliquandiu cœptis nefariis successus, conniven-
te ad tantam insaniam fato, ut eo evidentius pate-

sceret, in quas extremitates deserta à Deo, & sibi ipsi relictam mortalitas ruere soleat, & quàm facile sit postea Divinæ potentiaë, vel altissimè exstructam superborum conatuum molem diffiare. Tum verò uti per Angliam totam Tyrannis illos omnes, qui Regem non odisse crederentur, oppreserat: ita eadem SCOTIAM quoq; tandem corripuit, & nec istic Te SANGVINEM REGIUM, quem ex Angliâ fugasset, passa est honorari. Imposuerat Tibi Scotia Regium Diadema: sed ita, ut illud ipsum antequam imponeretur, crudelis nonnullorum istic potentia innoxio civium Majestati Regiæ fidissimorum, atq; inprimis Viri gloria Virtutis & rerum gestarū summè illustris MARCHIONIS MONTROSII sanguine funestaret, plurimâq; adeo & acerbissimâ labe sui apud Te meriti gratiam gloriamque corrumpere. Sed & antequam illic vires ritè firmare, quemq; sparsim habebas, ad Te circa Vorcestriam contrahere militem posses, duxit in Te furibundum illum & verè lymphaticum exercitum per duellis, eo eventu, qui nondum sceleri metam venisse, sed nec virtuti inter summas calamitates DEI patrociniū deesse doceret.

Te

Te enim, post egregia animi in perterriti à te edita specimen, subduxit præsentissimo mortis discrimini, cum nec in prælio Te passus est perire, & post prælium portentosis planè modis servavit. Nimirum eò loci jam **R E X S E R E N I S S I M E**, mirifico mortalium spectaculo, deveneras, ut paulò ante tot millium ductor, nunc nullum hominem aut ita bene in Te animatum reperires, ut Te servare vellet, aut tam prudentem validumve, ut posset. Omnes vel immani odio inflammati Te quærebant, ut perderent; vel necessitate, ipsoq; Tui amore jussi, Te Dominum suum, quem meliori virtute, quàm successu protegere laboraverant, fugere cogeantur. Unum Tibi Vil motum deniq; voluntas & fortuna Tua servavit, cum quo in avia sylvarum deductus, Arborem deniq; reperisti, quæ sinu suo & quietem lasso, & periclitanti latibulum præbuit. Inde Tibi postea manus Divina laudatissimam monstravit Viraginem, quæ hostium Tuorum interdictis, totam Angliam personantibus, nihil mota, hospitali Te Lare promptissima suscepit, & capillitio scitè mutato, omniq; arte Te Tibi dissimilem reddidit, induitq; vestitu, qui ignorari quarentem quàm rectissime

tegere posse videretur. Ita servi habitu maximorum Regum Sangvis & hæres incedebas, fortunam Regiam dissimulans, ut servares. Ad servilia tamen opera magis promptum Te, quàm idoneum res subindè monstrabat; tralucete, utcunq; premeretur, **INDOLE REGIA**, quæ, cum Tu omnia fortunæ bona exuisses, se exuere non poterat. Quò longiùs autè in terrâ inimicâ & sanguinè Tuum sitiente, progrediebare, eò magis ingravescibat periculum, eò propius mortis ipsius liminibus admoveri videbaris. Sed Tibi, inter crescentia discrimina, discriminum metus minuebatur. Parùm jam movebaris clamoribus plebis fanaticæ, quam passim, quâ incederes, de Te superato triumphare videbas, nec aliud ad plenum gaudii cumulum desiderare, quam ne Tu evaderes, qui unus omni hoc bello, plusquam belluino, petebaris. Non terrebat Te Principis Urbis vicinia, etsi eam sacratissimo **DIVI PARENTIS TUI** sanguine penè adhuc madere sciebas; nec cruenti illi iudices, etsi nihil ardentius spirantes, quàm ut Te iisdem, quibus Patrem calculis damnatum, paribus modis truculentæ libidini suæ immolarent. Sed nimirum duo tum

è diametro sibi opposita steterant decreta , unum
in concilio Hostium Tuorum, quærendum Te ad exitum,
alterum in cœlo, non modò **VIVENDUM** Tibi, sed & denuo **REGNANDUM** esse. Plus
satis nimirum antehac in Te armatum permisisse
Tyrannidi videbatur **DEUS**, Inermem postea ipse
protexit , ne in manus horrendi Regicidæ incideres,
Qui etsi exercitum Tuum profligavit, pretium tamen
victoriæ amisit, cum Te futurum omnium tandem
victoriarum suarum destructorem capere non potuit:
cum & paulò post in Galliam Te prosperâ navigatione
elapsum intellexit. Infrenduit ille inexpectato
nuncio: contra autem omnis melior Orbis, ubi tam
insperato salutis Tuæ prodigio fidem diu abnuisset, re
postea rectius cognitâ, lætis mox animis, quid cœlum
moliretur, divinavit. Neq; enim nisi ad res maximas,
ex tanto discrimine, atq; ex ipsis planè faucibus Orci,
servatus videbaris. Et novum prorsus Davidem
spes bonorum omnium in Te sibi figurabat , quem
pejor & sagacior Saulo Tyrannus, cumq; eo universa
armatæ Angliæ multitudo omni vi, omni arte ac
dolo ad necem frustra quæsivisset. Evasisti igitur,
DEO

DEO Duce & Auspice; evasisti, ingenti S E R E-
NISSIMÆ MATRIS Tuæ, totiusq; A U G U-
STÆ DOMUS, ac Ministrorum Tuorum solatio,
ingenti etiam ipsius Angliæ, uti tum dolore, sic postea
bono atq; emolumento. Illa enim, Te tum capto,
novum haud dubiè parricidium adjecisset veteri, adeò-
que exaggerato altiùs cumulo scelerum, tanto magis
se indignam, isto, quo nunc potitur, felicitatis post-
liminio reddidisset. Cæterùm qui vitam & liberta-
tem Tibi servavit DEUS, exercendæ porrò patien-
tiæ campum nondum clausit. Is enim extremum
quidem discrimen effugere Te voluit, sed ut exilij su-
bires ærumnas. Extorrem, atq; omni fortunæ Regiæ
apparatu orbem, ex alieno littore, spectare Te jusfit
perduellem Victorem, & tot maximorum REGUM
SANGVINI nefariè insultantem, eidemq; alibi
etiam, quâ posset, atrocissimè inhiantem. Neque
enim satis fuit Tyranno, Tuo Te folio & solo excus-
sisse; ultra Oceanum Te persequi, Te incescere per-
rexit: permittente id DEO, ut clariùs constaret
Orbi, non Tibi tantùm, sed omni humanitati indictum
â belluâ illâ bellum esse; quippe quæ non in paternis

tantum Regnis, sed usquam terrarum Tibi sedem at-
que hospitium esse nolebat. Et mirâ sanè Princi-
pum patientiâ eò usq; autoritas ac potentia perduellis
excrevit, ut plus apud nonnullos, qui habenas orbis
tenebant, minæ terrentis, quàm Tui exulis amor ac
commiseratio valerent. Solent alioquin Reges Re-
gum fortunâ moveri: & suâ illi referre putant, ne re-
bellio justis imperiis manum inulta injecerit. Jure
enim metuunt, ne impunitatis exemplis gliscat licen-
tia, feliciûmq; adeo scelerum faces, auris secundis ad vi-
cinorum Regnorum populos transvectæ, similia sedi-
tionum suscitent incendia. Tum vero, quod dolen-
dum, metum hunc nescio quæ infelix inter Reges ipsos
æmulatio obtundebat, vincebatq; rectiora consilia. Et
adeò non dispiciebatur, quomodo rebellium potentia
coërceri posset, ut potiùs ad captandam eorum amici-
tiam, quodam quasi certamine Principum ac Rerum-
publicarum festinaretur. Atq; inde factum, ut ne ex-
ilium quidem Tibi, **REX SERENISSIME**, con-
tingeret quietum. Quem enim primum proximumq;
Tibi receptum **COGNATI REGIS** hospita-
litas aperuerat, eo Te postea Ratio, quam vocant, sta-

tûs

tûs, & initum cum hostibus foedus exclusit. Atq;
ita Tu, qui nuper è patriâ evaseras ægerrimè, & vix
dum reliquias fidelium Ministrorum collegeras,
nunc à SERENISSIMA PARENTE AC
SORORE HENRIETTA, magno Tuo,
magno illarum dolore, denuò avulsus es. Ad vici-
nam Rempubicam invitabat altera SOROR, Sere-
nissima nimirum VIDUA AURICA, quæ
& antequam in Scotiam rediisses, Te pertraxerat Bre-
dam, omniq; ope ad nova & justa molimina, etsi
eventu deniq; funesta, instruxerat. Nec post cladem
quoq; ultimam metuit illa fortunæ Tuæ contagium,
sed cum Tibi ad illam negaretur accessus, ultro Ipsa
ad Te, in Germaniâ postea agentem, excurrit. Id
inprimis acerrimè dolens, quod â Republ., in quâ vive-
bat, non ex voto suo & Tuo juvareris. Primum enim
discordes Procerum Provinciarumq; animi lentam lu-
bricamq; Tibi spem fecerant auxilii, cum id per fidis-
simum Ministrum Tuum GERARDUM desidera-
res. Postea orto ibidem cum novâ Dominatione
vel, ut appellari volebat, Republicâ, bello, tridens Bri-
tanniæ ita potentiam Batavam constrinxit, ita etiam

arctè libi eam deniq; implicuit, ut inde Exuli, quod
speraret, nihil prorsus relinqueretur. Nec majore
effectu Germanici etiam Imperii opem per intimum
illum Achatem Tuum **VILMOTUM** implora-
sti. Etsi enim non deessent illic, qui Tuâ causâ
omnia cuperent, irrita tamen erat voluntas, quæ à
viribus deserebatur. Quid namq; contra Angliam
incomparabili classe instructam possent ii, qui nul-
lam navem haberent? Interim qui potentiæ recupe-
randæ præsidium præstare Tibi non poterant, com-
morandi saltem receptum, cum ab aliis negaretur,
aperuere. Primò igitur Leodium, inde verò saluta-
to Sereniss. **PRINCIPE NEOBURGICO**,
Coloniâ secessisti, comitatu non semper simili: quia
subinde aliqui quærendæ opis causâ dimittebantur.
Per intervalla aderant Principes Palatini, proximo
Sanguinis vinculo Tibi innexi, & in primis **ROBER-**
TUS, fortissimus bellator, jamq; dudum fortunæ pe-
riculisq; Tuis immixtus. Ex necessariis longissimâ Ti-
bi Fide cognitis, continuos fere habebas **HIDIUM**
secretorum omniû participem, **MARCHIONEM**
ORMUNDUM, **NORVICENSEM**, **VEND-**
VOR-

VORTIUM , DIGBIUM , NEUBURGIUM,
MIDLETONUM, quanquam hic meritis Mar-
tiis inter primos, identidem militis conquirendi cau-
sâ digrediebatur, fidelium Tibi Scotorum reliquiis, si
quâ posset, subventurus. Sed Te tandem in BR A-
B A N T I A M vocabat DEUS, ubi admirabili
fatorum consilio, novum increpuerat bellum, à per-
secutore Tuo indictum HISPANIÆ, nullo ju-
stitiæ stimulo, sed merâ bellandi libidine, & quia is
potentiam suam tueri se non posse videbat, nisi arma
perpetuò in manu, & sic porrò Britanniam sub jugo
haberet. Obtentui interim sumebatur Religio, po-
tentissima apud vulgum illum tum æris tum militis
contrahendi illecebra. Cæterùm quod cum per-
duellibus Tuis maximum REGEM commiserat bel-
lum, id idem HUIC novæ Tecum amicitiae vinculum,
id & Tibi & Fortissimo FR A T R I T V O D V C I
E B O R A C E N S I novum fortitudinis theatrum
dedit. Ille enim editis nuper prælustribus in Galliâ
imperatoriae virtutis speciminibus, iis ipsis, de quibus
præclare meritus erat, ita volentibus, Te in Belgium
comite JARMUTIO secutus erat, fururus Tibi, ita uti
cape-

cæperat, & fortunæ & gloriæ socius. Ibidem quoque
arctissima ut adversitatum, sic armorum consortium
VOS fratres tergeminos, (nam & DUX GLOCE-
STRIÆ tandem accessit) cum Achille seculi nostri
PRINCIPE CONDEO fraternæ necessitudinis ne-
xu conjunxit. Utinam in eundem campum prodire
VOBISCUM propitia voluisset fortuna! Sed ea usq;
adeò tum quoq; non est visâ resipiscere, ut sese non
in Te tantum persequendo pertinaciter malignam,
sed & iis omnibus, qui Tibi fidem in patriâ servare
auderent, crudelem, tum & alijs, qui Te & causam
Tuam tuendam suscepissent, palàm iniquam ostendit.
Hostibus enim Tuæ Majestatis adeo favit, ut
iis & ultra mare instare Tibi, & ultimam penè aram,
ad quam confugeras, circumstrepere atq; aggredi,
propè & violare impunè liceret. At eò magis fir-
mabatur Tua, quam in DEO & bonâ causâ reposu-
eras, fiducia. Contra fortunam ipsam insistebas spei,
neq; animum Tuum incursum malorum frangebat
unquam, sed potius indurabat.

Duris ut ilex tonsa bipennibus,

Nigræ feraci frondis in Algido.

Per damna, per cades, ab Ipso

Ducit opes

Sic Tu, inter assidua mala, quasi callum ducebas;
& inter ipsos hostium maximos successus crescebat
fortitudinis & constantiæ Tuæ gloria. Equidem, si
verum fateri lubet, eo tandem loci redactæ vide-
bantur res Tuæ, ut humanâ ope, & mortalium con-
siliis reparabiles esse, vix nisi paucissimis crederentur.
Quippe in immensum sese extulerat novi Domina-
toris potentia. Britanniam totam & nempe tria va-
lidissima Regna imperiis suis obnoxia prorsus atq;
obedientia habebat. Classe potentissimâ & toti pro-
pè Orbi formidatâ claustra Hispaniæ & Flandriæ
circumvenerat, jam ultimos Americæ recessus, inti-
masq; potentiæ Catholicæ venas, injectis audacissimè
ungvibus, cœperat scrutari. Principes ac Status alii
quærebant, ut dixi, amicitiam ejus, arma utiq; aut
deprecabantur, aut cautissimâ circumspèctione vita-
bant. Qui apertè etiamnum favere Tibi pergebant,
quibus poterant solatiis atq; adjumentis juvabant
exulem; at non tantam, quantam ipsi volebant, &
quantam res ac necessitas exigere videbatur, ferre
opem valebant, aliis nimirum obstaculis, aliqui & ipsi
turbis domesticis impediti. Noster utiq; SERE-
C NIS.

NISSIMUS REX cum SERENISSIMA
REGINA non amantissimè tantùm habuit Le-
gatos Tuos, sed & quibus unquam potuit modis, con-
stantissimum erga Te affectum conatus est testari.
Interim ille Regnorum Tuorum invasor quantam
foris formidinem, tantam Domi auctoritatem sibi, so-
lertiâ facundiâq; æquè potens, & per hæc animo-
rum victor, conciliaverat. Armorum porrò supre-
mus arbiter quicquid usquam adversum sibi sensisset,
oppresserat. Captos inter arma crudeliter vel occi-
di vel immani barbararum gentium libidini jusserat
mancipari. De Rege legitimo nemo istic vel hisce-
re audebat, cum & tacita erga eum fides ægrè effu-
geret periculum, & crudelis Ministrorum Tyranni-
dis suspicio ipsa etiam vultuum indicia, penè & suspi-
ria pectorum subnotaret. Ita fortissimi quiq; Bri-
tanniæ viri, qvi in patriâ mansissent, ceciderant. Ne-
que enim substiterat Tyrannis in primis illis, causæ
Regiæ defensoribus, postea victimis, Strafortio, Lau-
do, Marchione Gordonio, Capello, Hidio, Bushe-
lo aliisq; ejusmodi: Sed si quæ adhuc post istos *

* Periere inter alios Dux Hamiltonus Comes Hollandiæ, Gerar-
dus Chiliarcha, Spotswodus, Vovetus, Penrudocus, Slinsbius,
Ashton, Stacius, Bettelejus, & alii multi.

seu togâ seu sago eminebant , Capita avidè arreptis criminationibus subvertebantur , aut certè procul à negotiis intra prædiorum suorum recessus latitabant. Nullus utiq; illis in consilio, nullus in regimine locus erat. Populo, ut antea innui, fanaticarum opinionum deliramenta, & vana imaginariæ libertatis crepundia reliquerat Dominator: Illum interim in omnibus, quæ cuperet, ad votum & nutum suum, non promptum modò, sed prorsus obvium experiens. Ita flegebat ille leges ac relegebat pro arbitrio. Comitia, quoties placitum erat, indicebat. Ad ea verò non nisi homines, quos omninò pronos aut obnoxios sibi sciret, vocabat. In deliberationibus porrò cuiq; patrum Conscriptorum plena, quæ quisque sentiret, dicendi potestas dari ferebatur. Cæterùm, ubi non ad votum Dominantis suffragia sonarent, solvebat ille conventum, & clauso Comitio, domum ire patres circumscriptos jubebat. Nemo Leges invocare audebat, & frustra invocatæ fuissent contra eum, qui arma in promptu, Ductores militum in obsequio, nervum rerum in potestate, classem omni apparatu instructam, populum ad

quidvis paratum habebat. Meritò Viri istius non tam sagacem prudentiam, quàm cæcam fortunam miratur Orbis. In eo ille Imperio, quod in legitimos Reges suos tam immaniter sæviebat, plusquam Regiam auctoritatem usurpabat, & nihilominus populi fruebatur gratiâ. Blando idem Protectoris nomine Monarchiam omni lege solutam tam feliciter tegebat, ut aut non animadverteretur illa, aut animadversa placere tamen non desineret. Regium illi titulum non auguria tantum plurimorum ominabantur, sed & publica penè offerebant vota. At jam adeò potētia ejus & cū potentiâ animus intumuerat, ut minorem, quàm esset, fore se existimaret, si Rex esset. Arroganti igitur modestiâ respuebat nomen, à quo augmentum invidiæ, cum damno potentiæ expectandum sibi judicaret. Pleriq; tamen eorum, qui interiora rerum intimiùs penetrabant, tanto admirabiliorem hominis virtutem censebant, quanto is submissiùs fortunam suam habere, & mereri quidem magna nomina, possidere verò, cum posset, nolle videretur. Tantis autem radicibus cum firmatam, **REX SERENISSIME**, videres hominis istius

non
nam
egiti-
uam
s po-
toris
elici-
, aut
gium
mina-
t jam
erat,
Rex
men,
entia
rum,
o ad-
anto
i qui-
, nol-
atam,
istius

autoritatem ac potentiam, facilè equidem agnosce-
bas, non nisi à Coelesti Omnipotentis DEI vi ac ro-
bore expectari ruinam ejus posse. Deum autem
sciebas non hominum semper desiderio, sed suo ar-
bitrio attemperare Consilia, & res magnas non su-
bitis plerumq; successibus provehere, sed per multas
ambages & inexplicabiles quasi gyros ac mæandros
circumductas, mirifico deniq; exitu evolvere. Pa-
tienter itaq; per multos annos prospectasti Divinum
auxilium: ejus ipsius obscuros primum latentesq;
progressus non minore solertiâ, quam fiduciâ jam
dudum observans. Rigidus interim Tui sub fidis-
simis conscientia custodibus exactor, ut & Pietate,
DEO, unico Tutori ac Servatori Tuo, magis ma-
gisq; placeres, & innocentia morum omniq; Virtu-
tum studio tum judici interno, tum bonorum omnium
censura Te probares. Neq; enim Tu ad ignavum
aut infame otium abusus es exilio Tuo. Quod ut
in aliis non paucis, ita in versuto illo optimi Augusti
successore animadversum est, qui jam tum, cum
Rhodi & privatus & exulageret, irâ, simulationibus,
varioq; nequitiarum genere Capreis suis praelusit.

Tuæ virtutes, quas ille tot **MAXIMORUM RE-**
GUM tradux Spiritus inſeverat genio Tuo, tum re-
cta diſciplina ad laudatiſſimum **DECESSORUM**
formârat exemplum, ipſâ calamitatum Tuarum qua-
ſi limâ politæ nitidiùs exſplenduere. Ipſum utique
Judicium Tuum naturâ exquisitum, poſtea verò tum
literis imbutum, tum paternis, propriisq; malis ab in-
eunte prope modùm ætate mirificè exercitum, an-
te annos ad eam maturitatem pervenit, qualem aliis
non Toga virilis, multis nec ipſâ canities dare ſolet.
Tu tot Aulas Principum, tot provincias, Tot Regna
obiens, & ubiq; tam varii generis hominibus obje-
ctus, non modò lingvas, quotquot utiles eſſe poſſunt,
ſed omnia etiam illa, quæ Principibus decora ſcires, ac-
curatiſſimè hauſiſti. In arcana porrò Imperiorum
experrectæ mentis alacritas, & ipſa inprimis ſalutis
Tuæ ratio eò curioſiùs oculos immittere docuit, quò
magis Tuâ intererat, noſſe, quibus machinatoribus qui-
bus instrumentis Fortuna vel obſtruere Tibi, vel com-
modare moliretur. Ita Prudentia, in Regno neces-
ſaria mox futura, extra Regnum crevit. Cura quoq;
æquitatis, & beneficentiæ amor inter ærumnas iſtas

minimè profectò obhebuit: cum proprio experimen-
to adeò gravem Tibi Iniquitatem alienam, adeò ne-
cessarium, adeò optabile sentires auxilium. Interim
tamen audacia, vis & iniusticia, quâ premebaris, in
Te nullam unquam vindictæ cupidinem, illecebrosum
alioquin magnis animis affectum, excitavit. Licuerit
sanè scelerifortunato, conniventibus fatis, vincere Te
armis fraudibusq; , licuerit omnibus Fortunæ bonis
exuere, illud eripere Tibi non potuit, quin victus ab
aliis Te saltè vinceres, & insuperabili animi man-
suetudine omnes æquales Tuos, illos etiam qui po-
tentiâ tum Te vincerent, longissimè supergredereris.
Ingemuisti Tu non magis infortunio Tuo, quàm ad-
versus Te peccantium cæcitati; cum scires, illos facino-
ribus suis sibi inimicum reddere Deum, Tibi propi-
tium. Miserebat Te hominum, qui dum Tuo inhia-
rent exitio, in suum ruebant. De constantiâ porrò
Tuâ, aut de contemptu periculorum non est cur dicam
ampliùs, cum totum penè, quod hætenus transegisti,
vitæ curriculum, inter pericula, intrepidè tole-
rata & feliciter superata, Tibi effluerit. Neq;
edisferere attinet, quâ laborum pàtientiâ militaribus

toties turmis imperatorium pulverē miscueris, nec qui
campi hauserint sudores Tuos, quæ itinera corpus las-
serint, quæ tuguria vel arborum texta subinde cibum
somnumq; Tuum prætexerint. Istis enim non Tuam
modò omnem insumpsisti, sed aliorum etiam omnium
Juvenis antecessisti ætatem. Hoc tantum addere
pace Tuâ liceat, BENIGNISSIME REGUM, &
hæc & alia istiusmodi animi Tui morumq; ornamen-
ta primùm quidem, post autorem DEum, laudatis-
simæ & Indoli & curæ Tuæ, sed nonnullâ etiam sui
parte huic Herculeæ æumnarum palæstræ, magnæ
magnorum Virorum educatrici atq; alumnae, deberi.
Fuerit igitur aliis, qui in suâ solum alienum peragran-
di habitandiq; necessitate sibi constare, aut in melius
proficere non didicerant, noxium atq; illætabile exi-
lium suum. Tu felix Tibi exilium, & fortunatam
miseriam Virtute Tuâ fecisti. Aculeum dempsisti
telis fortunæ, aut inversa illa, quæ nocendi consilio
vibrabantur, prodesse Tibi cœgisti. DEus autem,
ut omnium rerum sic fortunæ ipsius arbiter, cum Te
ab incunabilis inter meros angves, leones, hydras &
Geryonas exercitum, & sic ad maxima quæq; effici-

enda non molli manu quasi elaboratum satis tandem
maturuisse crederet, nihilominus calamitates Tuas
nonnisi sensim adhuc à Te amovit: amovendo ni-
mirum autores illarum: atq; inprimis maximum il-
lum Domûs Tuæ Regiæ hostem, illum tot aliis Prin-
cipibus, Regnis & Statibus formidatum Protectorem,
Stravit
eum mors
Anno 1661
die 13. Sept
quo die Æte
hac ille du-
plici præ-
lio Partes
Regias pro-
straverat. larvatum illum Monarcham vel potius Tyran-
num. Quem equidem rerum ignari eâ glo-
riâ superbum interiisse credunt dolentq; quasi
reliquis omnibus potestatibus invictus, soli ces-
serit DEO: eo cæteris Tyrannis felicior visus,
quòd siccâ morte supplicia, quæ meruerat, effugerit.
Sed qui ita judicant, nescire videntur, quid sit in irati
DEI manus incidere: quid sit, ad humanæ Justitiæ
tribunal non vocari, ut sistaris Divino: quod ut om-
nium maximè horrendum est, ita solum efficere potest,
ut maximè mori se sentiant, qui mori perpetuò optant,
nunquam possunt. Sed etsi præterea siccâ morte
exiisse videatur, non minus tamen truculentâ exiit.
Ex dolore enim animi in morbum lethalem incide-
rat, cum carissimam sibi Filiam, cui paulò antè Viri
gravis & innoxii vitam negaverat deprecanti, subito

D

extin-

extinctam vidisset. DEum immortalem! Molline
morte decescit, qui post illatam homini innocenti mor-
tem, filiae præterea suæ, & sibi deniq; ipsi carnifex fuit.
Nimirū non repererat DEUS aliam manū facilè quæ
Tyrannum illum jugulare aut vellet, aut mereretur.
Ex sanguine ejus nasci oportuit prolem, quam cru-
delis deinde Pater occideret, ab ipsa mox, etiam occi-
sa, occidendus. Ita infando huic patri pereundum fuit,
qui PATREM PATRIÆ non occiderat tantum
cum aliis, sed post fata etiam illum, in SOBOLE ac
FAMA, præ aliis acerrimè fuerat persecutus. Sed &
cæterum ejusdem sanguinem indignum judicavit DE-
US, quo Britanniae Tuæ regimen diutius pollueretur.
Etsi enim ille Filium sibi succesorem nominasset,
frustra tamen nominaverat, quia DEO nominaverat
invito, quia imparem etiam tanto regimini genuerat.
Multorum equidem judicio incassum cecidisset ista
pessima sanè, attamen eminens ARBOR, si in si-
mili furculo revixisset. Sine fructu utiq; Reipu-
blicæ Romanæ olim Dictator Cæsar procubu-
erat, quod ingenio non minorem se, Augustum
reliquisset: cujus scitis finis Artibus crudum Romanæ
Urbis

Urbis servitium, in plenam maturitatem adolevit. Nullo ejusmodi servitutis consummatore opus erat Britanniae, quia, qui Dictatoriae potestatis opus istuc coeperat, is idem hoc omnibus numeris absolutum reddiderat. Ita ut quicumq; successor contingeret, imminuere id quidem posset, augere vix posset. Sed qui huic Dictatori successit filius, uti vir melior patre, ita debilior patriae suae Dominus fuit. Non ea illius, quae patris fuerat, in legitimum Regem acerbitas, neq; par jam apud populum gratia, vel apud militem auctoritas exstitit. Sensit mox Anglia, abesse illum artificem, qui in summâ dissonae multitudinis Statuumq; discordiâ turrem suam Babylonicam callidè exstruere noverat: defecisse manum illam, quae fræna Imperii & laxare & adducere pro re natâ, illudq; recens coalitum civium militumq; corpus mirabili astu, plerumq; etiam violentâ manu, continere valuerat. Nec multo post, ambitu imprimis Lamberti, aliorûq; qui quod Juveni imperare posse videbantur, parere nolebant, dissiliit illa compages, & tot malè cohærentia novæ Reipubl. membra abire in chaos coepere. Qui PARLAMENTI auctoritatē, primâ omniû turbarû materiem,

refodere studebant, ejus à Dictatore patre toties violatæ poenas à filio exigere volentes, illum potestatem nuper credità exutum ibant, sigilloq; patris abjecto, pleraq; ejus instituta rescindebant: inprimis quoq; militiæ robur ac licentiam circum scribere nitebantur. Ita ibatur in partes, & quantumvis Lambertus cum Fledvodo omnia ad se traheret, tamen sine capite, sine regimine certo Respublica erat: prorsumq; ea, instar navis clavo carentis, nunc in hunc, nunc in illum scopulum incurrebat. Neq; inter milites ipsos satis conveniebat, aliis hunc, aliis illum Ducem habentibus potiozem. Proceres contra & Populus, **LONDINENSIS** inprimis, magno consensu Militem fastidiebant, oderantq; Quippe in quo merissimè suam se servitutem, & miseriam quotidie pascere, posità tandem oculorum caligine, videbant. Atq; inde etiam ad manus res devenit, & **PRINCEPS REGNI URBS** non semel in aream Bellonæ, & quoddam quasi spoliarium gladiatorum versa est. At dum ita sese mutuò convellunt partes seditiosorum, interim fidelium Tuorum cœtus, ille hæctenus miserimus, & in squalore ac tenebris abstrusus, caput ma-

gis magisq; exserere cœpit: atq; etsi prima strenuis-
simi Ductoris BOOTI præludia minus feliciter ces-
sissent, brevi tamen tempore, auspice DEO, tantum
incrementi partibus Tuis accrevit, ut facilè cæteram
turbam superaturæ viderentur, simul atq; Ducē majorē
accepissent. Nec hunc diu abesse passus est DEUS.
ANGLUM ex Scotiâ advocavit, manuq; idoneâ
instructum aggredi nobilissimum restituendi Regis
opus iussit. Paruit Deo stimulanti DUX FOR-
TISSIMUS MONKIUS, eâdemq; dexteri-
tate atq; acrimoniâ, quâ olim novæ Dominationis
torrente abreptus, meliorem causam afflixerat, nunc
eandem hanc erexit, Patriæq; Regem, Regi digni-
tatem, Britannix omni Spiritum vitalem & antiquæ
formæ decus reddidit: meo iudicio, omnibus & Har-
modiis & Brutis felicior. Illis enim cæde vel fugâ
malorum quidem, attamen Principum, vindicanda
fuit libertas. Hic illam, Rege Optimo reducto, ci-
tra sanguinem restituit; triaq; adeò maxima ac ra-
rò aliàs sociabilia bona redonavit Patriæ, Regem,
Libertatem, Pacem. Dignissimus sanè maximis il-
lis honoribus, quos præclarè merito Duci optimus

remunerator accumulas: dignissimus etiam statuis,
quas in animis hominum, famâ rerum, ipsoq; adeo
Templo æternitatis grata illi Virtus ponit. Nec de-
menda est laus sua **SENATUI ANGLICO**
utriusq; Domûs, **URBI LONDINENSI**, ejus-
que in primis **PRÆFECTO**, & quotquot hunc Joa-
bum in **DAVIDE** reducendo juvêrunt, Magi-
stratibus, Ductoribus, Consiliarijs. Sed nimirum
hæc charta non sufficit exprimendis singulorum no-
minibus. Interim non omittet illa scrutari, & æter-
nitatis memoriæ inscribere historiæ calamus. Cujus
pulcherrimus quoq; olim labor erit genuinis colori-
bus Tuum, **REX SERENISSIME**, in patriam
felicissimum depingere reditum, atq; omnia, quæ
post reditum, stabiliendæ paci ac felicitati publicæ,
ad veterum legum morumq; normam, magni **CAN-**
CELLARII TUI HIDY, cæterorumque
MINISTRORUM consilio, sciscente ac coo-
perante **MAGNO SENATU**, **POPU-**
LOq; TUO, saluberrimè sanxisti. Cæterum in
toto hoc rerum tuarum curriculo apertissimum ubi-
que Dei digitum videbit & mirabitur Posteritas.

Non sine ingente profectò miraculo (quod non te-
merè toties ingenio) inter tot proditores, etiam Au-
licos Tuos, inter tanta perfidiæ pretia, inter tot æru-
mnas, tanta circa Te cadentium agmina, tanta circum-
stantis lethi discrimina, servatus es. Sensisti sem-
per & ubiq; PROTECTOREM Deum, qui pro
Te stetit, cum contra Te inimicus Divinæ, inimi-
cus Regiæ Majestati PROTECTOR rebellium
staret. Sed rebelles tandem ipsos docuit dies, fru-
stra Te oppugnari, frustra Tibi exitium strui, quem
cælestis dextra PROTEGERET, interq; ipsas etiam
ruinas rectum sustineret. Ac vel lentissimi ad fidem
mortales eventu deniq; magistro didicere, cuius ma-
nui Regnū, quod rapuerit, ERIPI posse, & male posi-
tum à Dictatore calculum esse, qui à nemine nisi PE-
RITURO SIBI ERIPI illud posse, publico, ipsisq;
nummis misilibus inscripto fastu jactaverat. PE-
RIIT enim verò Impostor cum omni & sceptri &
superbiæ suæ pompâ, periit, sed ita, ut beneficium ei
foret totum perire potuisse. Animâ superstes sibi
vivit, sed in supplicium sine fine, in tormenta, quæ ef-
farinulla mortalitas potest. Corporis osiumq; com.

pages, in quâ insolens ille Spiritus stupendam seculis
omnibus tragædiam peregit, mirabili catastrophe
exMausoleo in patibulum, & inde in altissimum Pa-
latii fastigium, dignum nimirum SUMMÆ CEL-
SITUDINIS affectatore theatrum, mirifico infau-
stæ ambitionis spectaculo & ludibrio, migravit. Tu
quem dudum is PERIRE optaverat, vivis, veri
PROTECTORIS Tui gratiâ incolumis, ejus-
demq; admirabili brachio, in Augusto Majorum tuo-
rum solio, post molestissimum tot annorum exilium,
inexpectatâ penè & celeritate & facilitate reposi-
tus. Ab exilio equidem etiam alii ad imperia, qui-
bus exciderant, sed violenter ut plurimum redie-
re & aut suo aliquo aut alterius externi Principis ex-
ercitu instructi. Te ut ipsissimâ manu illâ reduci
ostenderet Deus, reduxit inermem, reduxit inopem,
reduxit omni robore carentem. Bella, si quæ pro
Te gerenda erant, sine Te confecit, ut cum Tu po-
stea venires, omnia pacata, omnia tranquilla repe-
rires. Noluit reddendum Tibi Sceptrum sanguine
amplius pollui, postquam id sacerrimus DIVI PA-
RENTIS Tui sanguis consecrasset. Tâille pretiosus

erat

erat in oculis Dei, ut innocentissimè olim effusi cau-
sam illustri & suo solius patrocínio in **TRADUCE**
ejus **FILIO** peragendam putaret. Tibi verò hoc
imprimis longissimæ patientiæ Tuæ pretium exsol-
vere voluit, ut quod tam invictâ inter tot ærumnas
spe, tot annis, expectasces Diadema, id nunc citra pul-
verem & cruorem, ex facili omninò, adires. Hanc
quoq; gloriam meritis Tuis addidit, ut non alii, quàm
post **DEUM**, **VIRTUTIBUS** Tuis deberes Imperium.
Harum quippe, eminus etiam & ab ipso quoq; exilio
lucentium, splendor animos subditorum rebellium
ita perculit, ut pudore tandem scelerum suorum tan-
gerentur, dolerentq; illas tam eximias magni Prin-
cipis dotes exilii solitudini impendi, quæ amplissimum
Regni theatrum mererentur. Ita in mentes popu-
li Tui magnus ille animorum Imperator agebat.
Quò sic sponte & ultrò Te vocarent, qui violenter
olim expulerant. Sincerius enim videbatur fore
obsequium, Virtuti se potius Tuæ, quàm potentiæ
submittentium. Porro ipsius quoq; Regni calami-
tates, cœlo adgubernante, ita intendebantur, ut quos
Tu punire nec posses, nec velles, ii Nemesis Divi-

nā resipiscentes sentirent. Quantum peccassent, ipsis docebantur miserijs suis. Nempe enim castigationum Divinarum acrimonia illud suffusum oculis glaucoma eò usq; jam absterferat, ut possent ægri pestifera videre ulcera, quibus universum afflictissimæ Britanniae corpus tabescebat. Unde agnitis periculosis & ad exitium vergentibus morbis tanto diligentius, tanto fidentiùs quæsitum est remedium. Jam & seditionem sui tædium ceperat, ut eò facilius Tui subiret desiderium. Jam ruebat mole suâ, &, ut ita loqui fas sit, rebellis ipsa sibi fiebat rebellio, ut ad Te legitimum Dominum tantò procliviùs rediretur. Ac tandem sanè, Deo ubiq; præeunte, huc deventum est, ut eadem illæ cervices, quæ & DIVUM PARENTEM ET TE superbè rejecerant, absenti se Tibi flecterent: effectumq; eorum, qui tum prævalebant, curâ Studioque, ut ultrò ad Sceptrum revocareris, neq; de Te amplius lucta esset, quàm circa honorem Tuum certantium. Undiq; mox confluebant pecuniæ, quibus adornares reditum, concurrebant Ductores comitesq; ad Tua redeuntis genua festinabundi, advolabant armatæ na-

ves
CU
ri T
An
um
Pri
BU
RO
NA
GA
RI
ctū
qua
fa,
ob
Im
alic
gen
ind
ne
juc
eff

20
ves, quæ Te in Regnū Tuum sub fortissimi MONTA-
CUTII ductu reveherent, ardebant suspiria, quæ itine-
ri Tuo secundos ventos precabantur & faciebant.
Antequam Bataviā egredereris, quæ sitis simis omni-
um ordinum honoribus, præsentibus Serenissimis
Principibus, AMITA REGINA, FRATRI-
BUS TUIS GEMINIS, VIDUA SO-
RORE, DUCIBUS ORANGIO ET
NASSOVIIS, magnorum item REGUM LE-
GATIS, aliisque summæ dignationis PROCE-
RIBUS, exceptus, atque inter plurima magni affe-
ctus argumenta illiciaque dimissus es. Instupuit tum,
quæ accurrerat undique hominum multitudo immen-
sa, pænè nec à lachrymis temperare sibi potuit, cum
obviam Tibi ex Angliā missi Oratores à Te, ut ad
Imperium redires, supplices peterent: cum inter
alios magnus olim bellator FAIRFAXIUS ad
genua Tua prostratus, non ante se erigeret, quàm
indicem clementiæ manum Tuam sensisset, indignum
nempe propitio cæli Tuique adspectu vultum suum
judicans, nisi à Te, in quem peccasset, absolutus
esset. Tu CLEMENTISSIME REGUM.

câ alacritate dexteram protendisti supplici, quâ fiducia ille se ad pedes projecerat: atq; ad DEI ipsius exemplum plus jam modestiâ resipiscentis subditi lætabaris, quàm olim contumaciâ rebellantis fueras offensus: id inter alia pensi habens, Virum istum Regiæ quidē olim causæ, at non item, ut alii, vitæ adversū, removisse se à turbâ & regimine seditiosorum, postquam hos non Regia tantum, sed & omnia honesti atq; humanitatis ipsius jura videret excutere. Postea autem cum felici navigatione appulisses, quibus exsultationibus, quibus apparatibus, quibus triumphis Anglia & in eâ LONDINUM ipso NATALI TUO die Te excepit? planè ut tunc renasci Tu, & Tecum Patria Tua videretur. Non secus utique, ac si in spississimis hætenus tenebris sedisset, ita ad Tuum velut Solis sui conspectum sese populus Tuus erexit, & novo quodam Spiritu, novo vigore visus est perfundi. Non potest matrem soboles, non soboles matrem amantiùs complecti, quàm Tu Angliam Tuam, & Te vicissim Anglia. Quia nimirum non post longi tantum temporis intervallum, sed post ingens quasi naufragium coniungebamini.

Te illa extra navem cum horridis fluctibus luctan-
tem tot non modò viderat annis, verùm fatali errore
& delirio, non ut sobolem, sed ut hostem habuerat
arcueratque. Tu illam aut rectore inter ventorum
tumultus carentem, aut manu piraticâ gubernatam
dolens, sed opitulari & illi & Tibi tum impotens, ex
scopulo spectâras miseram, procellarumq; & præ-
datorum ludibrio expositam. Jam SOB OLES
& M A T E R asperrimæ tempestati pariter super-
stites, in unam denuò navem tot adversitates elucta-
tam, nunc tranquillam, nunc felicitis O L I V Æ fron-
des rostro prætendentem, conveniebatis. Nemo
verbis exprimere possit congressûs illius læticiam,
illaq; gratulationum solennia, acclamationes, & fe-
stivos, terrâ, Oceano, cœlo deniq; ipso dispersos
gaudiorum fremitus. Fama, quantumvis & ipsa ex-
plicandæ festivitatis magnitudini non sufficeret, ta-
men, quantum poterat, ad cæteros quoq; populos
transportare festinabat istam Angliæ metamorpho-
sin & admirabilem velut palingenesiam. Hi verò ea,
quæ videri aut fando ediseri non possent, cogitando
assequi conantes, istis prodigiis inter varios animorû

motus instupescebāt. Et sine morâ mox undiq; ad osculum manûs Tuæ ruebatur. Reges, Principes, Status omnes ad gratulandam Tibi fortunam Legatos mittebant, ipsâ deferendi Tibi cultûs celeritate inter se æmuli & apertè certantes. Beatisimam jam meritò Britanniam dicere licet, quæ ut ipsis etiam calamitatibus suis didicit, quantum possit, ita postquam iis defuncta est, tanto magis vires suas vel ex ipsâ aliorum Regnorû veneratione circûspicere potest. Quæ enim inter mala sua adeò potens, adeò & formidabilis fuit, quanto justius, quanto & reverentius suspicitur, postquam cum Capite suo, à quo divulsa erat, coaluit? Sed & eo nomine beatisimam eandem Britanniam vocare licet, quod Regem ut aliis magnis laudibus, ita clementiâ inprimis eximium recipit. Quam insitam Tibi, & nullâ crudelitatis maculâ pollutam virtutem ipse etiam reditus Tuus clarissimè ostendit. Scimus satis, quanto plerumq; cruore, aliorum ab exilio revertentium Principum restitutio Regnis ac Rebus publ. constiterit. Vel Roma ipsa id abundè docuit, ubi, ut aliis, ita Syllæ & Marii temporibus ad Capitolium in sanguine Civium, & per Capita magnorum vi-

rorum iverunt victores. Tuus, REX AUGUSTE, reditus incruentus fuit. Neq; postea ullum sanguinis fundendi desiderium in Te apparuit; potius verò ita constrictum severitatis & ipsius penè justiciæ ensen tenuisti, ut ægerrimè illum in ipsosquoq; Divi Parentis Tui injustissimos judices hostesq; maximos passus sis expediri. Diu suppliciis nocentium intercessisti, & si merè Tuo arbitrio res stetisset, omnes evasisent. Deniq; vero in necem illorum ita consensisti, ut quemadmodum Augustus olim, sic Tu dare pœnam videreris, cum exigeres. Nec unquam profectò vinci Te permisisses, nisi ipsam lenitatem Tuam crudelem futuram vidisses, si impune abirent illi, quos perire non Tuâ tantùm, sed Regnorum Tuorum, imò & Regum omnium interesset. Neq; postea motus est in quenquam gladius, nisi in illos, qui quietem Angliæ & suam, nescio quo furore lymphati, ferre non possent. Quos Tu multâ patientiâ & commiseratione tolerasti, tanquam impotes sui, & nescio quod Cœleste Imperium somniantes, quia non intelligerent, nullum Cœlestius in terris reperiri posse, quàm Tuum esset. Quippe quod liquidissimè DEUM & autorem & vin-

vindicem haberet. Sed illos infernalis potestas ita dementaverat, ut spreto vero Rege, DEI ipsius fabricam destruere conarentur: suum scilicet delirantis cerebri figmentum non seditiosis tantum concionibus, sed & armis subvehere satagentes. Horum itaque phrenesin, cum nullâ aliâ ratione sanari posset, modicâ veræ sectione curari oportuit. Cæterà Tu non aliis laboribus, quàm quibus Regnorum Tuorum tranquillitas stabiliri pacatè possit, vacas. Circumspicis vulnera publica, & afferre iis medicinam ex consilio SENATUS TUI conaris. Audis supplicantium populorum voces, & quomodo desideria omnium non modò implere, sed prævenire, & superare possis, vestigas. Potissimum autem Viris bene de Te meritis gratiam referre contendis: ingestisq; adeò tum opibus, tum honoribus amplissimis confortes Tuæ felicitatis facis illos, qui comites fuerant calamitatum: volens omninò, luculentiorum esse sub Te Rege mercedem fidei; quàm perfidiæ fuerat sub Tyranno: sed & de Virtute ipsâ optimè sic mereri cupiens, cui eò plures concilias cultores, quò opimiora constituis præmia. Audis porrò exterorum Principum

vota.

vota, audis amicitiam quærentium, auxiliaq; implo-
rantium postulata. Noscis, nec sine gaudio Tecum
ponderas judicia Orbis. Qui, ut ante dixi, Te &
Imperium Tuum ita æstimat, ut ex Te maxima im-
periorum omnium momenta pendere arbitretur. Te
amico vicinæ remotæq; gentes omnia sibi prona &
facilia putant: Te adverso, nihil sibi secundum pol-
licentur. Nonnulli eò usq; provehuntur, ut inge-
te etiam pretio, magnâq; parte ditionum suarum non
societatem jam, sed patrocinium Tuum velut emere
quærant. Ita Tu non Tuorum modò subditorum, sed
aliarum quoq; gentium sedes nunc arbiter. Tenes
trutinam, & in quam partem publica & Salus & æ-
quitas vergat, dispicis. Exinde & Consilia Tua &
responfa moderaris. Ubi ambiguæ aut implicatæ
res videntur, suspendis decreta, & moram das discre-
pantibus populis, ut lites, antequam in bella erum-
pant, ultro componant. His Tu curis ac studiis
antevertis **CORONATIONIS TUÆ** so-
lennia. His dignissimum Te ostendis qui, cœlo,
terrâq; applaudente, **CORONERIS.** Præce-

dunt illustrem actum lætissima undiquaq; omina & auguria. Et tempora ipsa augendo ejus splendori ancillantur. Amœnissima en veris arridet tempe-ries. Omnia quasi rediviva sese honoris Tui festi-
vitati offerunt. Te olim MAJUS in hanc vitæ scenam produxit. En iterum Majus Te quasi re-
genitum summo fortunæ sistit theatro. Paucis an-
te solenne hoc Tuum diebus, CHRISTI RE-
SURGENTIS gloriam omnibus templis sona-
re audivisti, & usq; voces publicæ renascentis in
eodem Servatore mundi ingeminant solatia. Tu
Rex Auguste, sacræ læticiæ novum addis cumulum,
quando & Te inter tot casus mirificè servatum ve-
stigia Servatoris, quantum licet mortali, premere,
quando ex squalore calamitatum jam quodammo-
do RESURGERE Te videt Orbis. Olim sub
nativitatis Tuæ incunabula novam STELLAM,
ipso medio die, luxis se accepi. Quo tam illustri in-
dice, quid significare voluerit DEUS, nemo equi-
dem plenè hæctenus intelligit. Sed si non alio cla-
riore interpretamento se explicuerit cœlum, utiq;
hunc

hunc ipsum diem, quo Tu cœlitus quasi regenitus
Princeps, divino S. Spiritûs **CHRISMATE**
imbueris, jure merito credemus significatum. Nunc
sanè Sol Britanniaë Tuæ stat in meridie, nunc altissi-
mum conscendit fastigium. Tu supremæ mundi
lampadi novum sidus accedis, & quasi ordinario lumi-
ne umbræ omnes discuti non possent, Tuâ en luce
utitur Cælum, ut, si quæ usquam restant tenebræ, tan-
to facilius citiusq; dispellantur. O felix Orbi Chri-
stiano **STELLA** esto, **CAROLE AUGU-**
STE! ó fortunatè prosperèq; Christiano Orbi ex-
orere! Sparge & longissimè & diutissimè radios Pie-
tatis, Prudentiæ, Justitiæ, & Liberalitatis Tuæ. Infer
beneficum Pacis lumen inquietis Europæ rebus; fæ-
cundoq; salubris potentiæ calore afflictam innocentium
erige fortunam. Te olim nato inusitatus quidam
læticiaë sensus, & arcanus quasi mentis instinctus **DI-**
VUM PATREM TUUM in varia sacra-
rum festivitatum solennia, varia etiam auguria exci-
vit. Inter alia illud memoratu dignissimum est,
quod Is Angliæ, Scotiæ & Hiberniæ insignibus

apponi tum in Nummo misili iussit hoc elogium:
HAC TENUS ANGLORUM NULLI. Primori quidem fronte id significare visus,
Trium Regnorum primum Te natum esse hære-
dem, cum ipse, ante magnum illud triplicis Regni
conjugium natus, non nisi Scoticum Diadema sibi ha-
buisset natalitium. Sed præsciam futurorum mentem
DEItali lemmate altius quid innuere voluisse, tot casu-
um postea, tot adversitatum monstris, tot & tantis
etiam restitutæ felicitatis prodigiis didicimus. Certè
quemadmodum ante Te, **NULLI ANGLO-**
RUM tria hæc amplissima Regna sorte nasce-
di contingere voluit **DEUS**: ita eadem **NULLI**,
manu perduellium, ita eripi passus est, ut erepta, ex-
uli & inermi, suâ manu, tam gloriose, restitueret.
Ego, **REX SERENISSIME**, quò majora de
Te & magnitudine Tua Spero, eò alacrius, eò inti-
mius gratulor Majestati Tuæ, quam Deus tot & tam
illustribus singularis benevolentiae suæ speciminibus,
supra multos alios, sibi gratam & acceptam esten-
dit; quam & tot adversis ideò obrui passus est, ut
ingenium

ingenium & Virtutem Tuam exerceret, & ex adver-
sis porrò tam gloriosè eripuit, ut exclamare penè lice-
at tanti fuisse, ita premi Te, ut ita liberareris. Gratu-
lor Serenissimæ PARENTI TUÆ, magnæ
Gallici illius HERCULIS Soboli, gratulor SE-
RENISSIMÆ AMITÆ TVÆ ejusdemq;
POSTERITATI REGIÆ, gratulor Sere-
nissimo DVCI EBORACENSI, unico
FRATRI Tuo & utriusq; Fortunæ consorti, gratu-
lor noviter nato ejusdem Filiolo CAROLO,
delicio nunc VESTRO. Gratulor Serenissimæ
HENRIETTÆ, nuper, Te arbitro, CHRI-
STIANISSIMI REGIS FRATRI
UNICO elocatæ. Gratulor Celsissimo PRIN-
CIPi AVRIACO: gratulor universæ & tot
REGVM, ELECTORVM aliorumque
PRINCIPVM sanguini ac foederibus inne-
xæ FAMILIÆ TVÆ, quæ uti aut hæc in
magno PARENTE Tuo & TEIPSO ingen-
tem eclipsin passa, nunc Te, quasi SOLE SVO
reddito, resplendescit. Quamvis enim nuper GE-

MINO eoq; acerbissimo FVNERE mortalita-
tis suæ admonita est, æquiore tamen animo vulnera
illa, quantumvis gravissima, sustinet, quia Te in-
comparabile doloris sui amerim non habet. Ponde-
randum sibi judicat, cælitus immissa, quia averti non
possint, ferri debere. Sed & cogitare fortassis li-
cuerit, tanti esse, hunc tametsi carissimum sanguinem
fatorū, si quæ inter tot prospera succrescere potuit, in-
vidiæ dedisse, dum Tibi, dum & cætero Sanguini Tuo
non optatam modò incolumitatem, sed & hunc velut
florem felicitatis, splendoremq; videatis constare. Ser-
vet vos porrò Cælū, & histantis Victimis ita se Vobis
omnibus, quotquot superestis, placatum monstret, ut
extinctis deniq; facibus funereis, lætissimæ, quem-
admodum cæperunt, JVNONIS succedant TÆ-
DÆ, quibus accensa Regiæ DOMVS Vestræ fæ-
cunditas, applaudente omni Christiano Orbe, quàm
uberrimè porrò efflorescat. Gratulor Britannię
Tuæ, quæ magnis erroribus, magnis & damnis suis,
tanto rectius & intimius didicit, verissimum sapien-
tiæ effatum esse illud:

Nusquam

—*Nunquam Libertas gratior extat,
Quàm sub Rege pio.*—

Gratulor Ecclesiæ Anglicanæ quam nescio qui fatui
turbulentarum opinionum ignes non modicè hæc-
tus turbavère, populo in errorum abrupta, & ipsissi-
mum penè exitii præceps deducto: Sacro verò regi-
mine inter tot mutationes penè everso, adeò ut major
pars hominum istic nullum extra se & fuligines suas
Ducem sequi sustinuerit, ruere penè malens, quam à
quoquam dependere. Gratulor Religioni, quæ eo
magis hîc periclitata est, quo plura pietatis spectra &
larvæ animos seduxère. Gratulor Imperio Vir-
tutis & Fidei, quod sub prosperæ tot annis perfidiæ
jugo mirificè gemuit. Gratulor REGIBUS, quorum
Majestatem in Divo Parente Tuo & Te ipso ausa
fuerat calcare rebellio. Sed ipsa jam hæc, cum exe-
crandis TYPHÆI SUI Osibus, in furcam acta,
ex altissimo ARCIS REGIÆ pinnaculo inclamat
mortales, docetq; reverenter habendos Principes, quo-
rum sacrosanctum sanguinem irati Numinis vindicta,
quò

quò tardius, eò & gravius, post ultima etiam fata, so-
leat ulcisci. Inprimis quoq; SERENISSIMIS
Principibus REGI & REGINÆ Poloniæ, to-
tiq; inclytæ REIPUBL. gratulor, quibus ex resurgen-
te Tuâ & Britannia Tuæ fortunâ eo grandius gau-
dium, eò & firmitus novæ fiduciæ robur accrevit, quo
major inter Majestates Ditionesq; Vestras & amici-
tiæ contesleratio, & communio fati intercedit. Penè
enim paribus temporum spatiis utriusq; Monarchiæ
calamitates desævière. Anno certe superiore iidem hi
menses verni Regna Tibi Tua, Te Regnis reddidère,
quibus felix & auspicata toti Europæ mater OLIVA, ob-
stetricantibus tot Maximorum Principum Legatis, diu
expetitam nostro huic Septentrioni PACEM pe-
perit. Et nunc idem iniens Majus Sacro Capiti Tuo Re-
gium diadema imponit, quo & Serenissimus REX NO-
STER cum Senatu & Ordine Equestri de maximis & ad
præsentem futuramq; Regni securitatem pertinenti-
bus negotiis, inter arrecta totius penè Europæ studia,
Conventu solennissimo agit; testatam faciens Orbi
curam paternam, & rarissimi exempli providentiam,
quâ

quâ ultra fata etiam sua, quæ sera DEUS esse velit,
de Civium suorum tranquillitate sollicitus, disidia olim
metuenda, antevertendo avertere conatur. Gratulor
Regiæ huic nostræ & ipsâ fidei suæ constantiâ nobili
Civitati, cui ut prior rerum vertigo plurimum nocu-
it, ita nova utilitatum seges efflorescit, postquam libe-
riorem commerciorum cursum reddita & Cereri no-
stræ & Neptuno Vestro pacis securitas aperuit.
Gratulor Spectatissimæ quoq; Anglorum, qui in hâc
Urbe negotia Patriæ suæ agunt, Nationi; quæ ipsa in
Britanniâ jam regerminante, ceu vivus in Arbore suâ
ramus revirescit; nunc verò sensum ingentis lætitiæ, quâ
ex publicâ felicitate percipit, sub ipsum in primis inaugu-
rationis Tuæ tempus, illustribus argumentis atq; indiciis
splendidissimis testatur. Gratulor deniq; Academiis
Vestris, & universo, quâ patet, Regno Sapientiæ ac
Literarum, cui ut paulo ante tres inter se contrarii, sed
in eruditionem conjurati invicē hostes, Enthusiasmus,
Anarchia, & Tyrannis, barbariem ac perniciem in-
tentabant, ita eidem novum vigorem Tuæ Majestatis
beneficum sidus pollicetur. Cum enim, quantum

LITERÆ&Regibus &Regnis utiles ac necessariae
sint, ipse earum intelligentissimus, non ignores, fieri
non potest, quin eas insignicurâ, munificentia, & pa-
trocinio dignaturus sis. Illæ vicissim Majestati
Tuæ Nominis immortalitatem, gratum Heroibus
munus, largiri conabuntur. Et jam nunc duo,
Principibus maxime optanda bona, magno ardore
vovent, nec minore fiducia spondent, AUGUSTI
in terris felicitatem, post sera autem fata, CON-
STANTINI in Cœlis honorem.



EPISTOLA

24

Ad Illustriss. & Excellentissimum
DOMINUM, DOMINUM
ANGLIÆ CANCELLARIUM
MAGNUM.

Illustrissime atq; Excellentissime
Domine, Domine
gratiosissime.



Ngentibus miraculis, qui-
bus Divina Majestas Se-
renissimum & Potentis-
simum REGEM CARO-
LUM II. Britannia suæ redonari, &
hanc ipsam REGI, Sibiq; restitui vo-
luit, arriguntur jam passim ingenia,
ac quodam insolito quasi spiritu af-

flantur, ut & capere angusta hæc cœ-
lestis potentia opera, & qualicunq;
facundia apparatu enunciare co-
nentur. Me eadem illa prodigia,
etsi longius remotum, pariter qui-
dem, quanquam non eâ, quâ cetera-
rum fortassis gentium impetus ac-
censi sunt, celeritate commovêre.
Sed cū ad consignanda ista, quæ atto-
nitus venerabar, propius applicare
ingenium cæpissēm, sensi subinde ad
tanti luminis & concipiendi & de-
scribendi magnitudinem æquē men-
tem, quàm manum trepidare. Fir-
mare me nihilominus studui, & effi-
cere quomodocunq;, ne nihil prorsus
aut animadvertisse, rudis spectator,

aut

aut adumbrare potuisse, scriptor in-
utilis viderer. Quicquid verò tan-
dem in illo laborantis nostræ debi-
litis æstu natum est, ILLUSTRIS-
SIMÆ EXCELLENTIÆ VESTRÆ
transmittere sustineo: quam & altis-
simæ Indolis instinctu, & literatæ edu-
cationis beneficio, & ipsius nunc
SPLENDIDISSIMI MUNERIS sui
ratione, ad suscipiendos Musarum
fætus, ornandosq; literatorum cona-
tus præ aliis & idoneam & promptam
novi. Hæc autem, quantulacunq;
sunt, tanto Te, VIR ILL^{me}, beni-
gnius acceptaturum confido, quod
in istâ REGIÆ Fortunæ tabulâ re-
leges simul, quæ magno REGI fi-

disimus ACHATES, idemque NE-
STOR individuus egisti, aut tolerasti.
Neq; spernet, opinor, magnus ille Ve-
ster ingeniorum Oceanus nostros, à
minori longe scatebrâ profectos, pau-
peris facundiæ rivos. Potius verò,
uti aliarum Negociationum inter
Vestrum Nostrumq; Regnum com-
mercia, tum & inter REGES ipsos
sacra amicitiae, utrinq; gratisima ha-
bentur: ita hæc quoq; animorum, in
Vestrâ fortunâ solennissimè nunc
triumphantium, officia, non inven-
tam in se gratiam, in benignitate Ve-
strâ, & hinc REGIA porrò clementiâ
repertura esse, non dubius spero.
Affectus utiq; Viri, peregrini quidem,

atta-

attamen SERENISSIMO ³⁰ REGI
VESTRO dudum, inter utriusq;
etiam fortunæ vices, devotissimi, di-
splicere tanto nec AUGUSTO nec
MÆCENATI potest, hoc inprimis fe-
stivo Regni Vestri tempore, quo
sparsæ per Orbem totum lætitiæ qua-
si publicus Sol Arctoas etiam laurus
achederas evocat animatq;, ut ad re-
dimitum AUREA CORONA CAPUT
REGIUM suas quoq; frondes ac
comas, si non merito suo, at saltem
beneficio Vestro admitti posse con-
fidant. Quod restat DEum Opt.
Max. supplex veneror, ut SACRAM
REGIAM MAJESTATEM & uni-
versum BRITANNIÆ Imperium, o-

mni prosperitatis genere perpetuum
beet: & Te, ILLUSTRISIME Domine,
ut adversæ olim REGIS fortunæ
ingens solatium, ita prosperæ ingens
ornamentum, quàm diutissimè pub-
lico bono servet. Dabam Gedani.
XXVI. April. Styl. novo. Anno
M lxx LXI.

Errata.

Pag. A. 4. b. lin. 15. pro deniq; pone deinde.

Pag. B. 4. b. lin. 2. pro arctissima leg. arctissimum.

Pag. D. in marg. pro Anno 1661. pone 1658.

§(O)§



Th. 1. 2.

um
ne,
næ
ens
ub-
ani.
ano

